



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### კაზინეცი ბორის მიხეილის ძე



ბ. კაზინეცი

კაზინეცი ბორის მიხეილის ძე (დ. 16. X. 1930, მოსკოვი), რუსი მსახიობი. საქართვე. სახ. არტისტი (1983). 1952 მოსკოვის ა. ლუნახარსკის სახ. თეატრ. ხელოვნების ინ-ტის სამსახიობო ფაკ-ტის დამთავრების შემდეგ, მუშაობა დაიწყო ნოვოჩერკასკის დრამ. თეატრში. სხვადასხვა წლებში მუშაობდა ნოვოჩერკასკის (1952-53), საბჭოთა არმიის (1954-55), როსტოვის კომედიის (1955-58) და მ. გორკის სახ. დრამატული (1958-60; 1971- 74), პერმის დრამატული (1960- 64), თბილისის გრიბოედოვის (1964-68), რიაზანის (1968-70), მინსკის მ. გორკის სახ. (1970-71) თეატრებში. 1974-იდან კ. თბილ. გრიბოედოვის სახ. დრამ. თეატრის მსახიობია. 1991-იდან ცხოვრობს აშშ-ში. 1992 ვაშინგტონის გარეუბანში დააფუძნა მოყვარულთა თეატრი, რ-საც

მოგვიანებით „ბორის კაზინეცის თეატრი“ ეწოდა, ხოლო შემდეგ - „რუსული კლასიკის თეატრი“.

კ-ს განსახიერებელი აქვს 200-ზე მეტი როლი. თბილ. გრიბოედოვის სახ. თეატრის სცენაზე შექმნილი როლებიდან აღსანიშნავია: არისტახი, ჯადოქარი (ვ. შუკშინის „ენერგიული ადამიანები“, „თვალსაზრისი“), ქალაქკომის მდივანი (ა. ჩხაიძის „როცა ქალაქს სძინავს“), ბურაბ მოდრეკილაძე (ვ. იაქაშვილის „ჰორიზონტს იქით“), იოჰან ვილჰელმ მეზიუსი (ფ. დიურენმატის „ფიზიკოსები“), შეფი (ა. კოტეტიშვილის „სამოთხის ვაშლები“), ბურგომისტრი (გ. გორინის „შემწვარი იხვის ფრენა“), ფილიპ ლუტიკოვი (ა. ფადეევის „ახალგაზრდა გვარდია“), იგორ გორჩაკოვი (ი. დვორეცკის „გაცილება“), პეტრე რიზაევი (ა. კაზანცევის „ძველი სახლი“) და სხვ. მსახიობი წარმატებით ასახიერებს დრამატულ,

სახასიათო და კომედიურ როლებს, რაც მის ფართო სამსახიობო დიაპაზონზე მეტყველებს. მისი საშემსრულებლო კულტურა გამოირჩევა დახვეწილი გემოვნებით, მოქალაქეობრივი პოზიციების სიმკვეთრითა და მიზანდასახულობით.

---